



BOSNA I HERCEGOVINA
FEDERACIJA BOSNE I HERCEGOVINE
BOSANSKO-PODRINJSKI KANTON GORAŽDE
MINISTARSTVO ZA OBRAZOVANJE, MLADE,
NAUKU, KULTURU I SPORT

BOSNIA AND HERZEGOVINA
FEDERATION OF BOSNIA AND HERZEGOVINA
BOSNIAN-PODRINJE CANTON GORAŽDE
MINISTRY OF EDUCATION, YOUTH, SCIENCE,
CULTURE AND SPORT

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
БОСАНСКО-ПОДРИЊСКИ КАНТОН ГОРАЖДЕ
МИНИСТАРСТВО ЗА ОБРАЗОВАЊЕ, МЛАДЕ,
НАУКУ, КУЛТУРУ И СПОРТ

Broj: 10-11-3607-5/24
Goražde, 08.11.2024. godine

Na osnovu člana 12. Zakona o kantonalnim ministarstvima i drugim tijelima kantonalne uprave («Službene novine Bosansko-podrinjskog kantona Goražde», broj: 9/013 i 13/13), a u skladu sa Uredbom o kriterijima za finansiranje programa i projekata neprofitnih organizacija i udruženja koja se finansiraju/sufinansiraju iz Budžeta Bosansko podrinjskog kantona Goražde („Službene novine Bosansko - podrinjskog kantona Goražde“, broj: 6/16 i 12/16) i Programom utroška sredstava Ministarstva za obrazovanje, mlade, nauku, kulturu i sport sa ekonomskog koda 614 300– Tekući transfer neprofitnim organizacijama - Udruženje Buđenje, broj: 10-11-3607/24 od 08.11.2024.godine, Ministarstvo za obrazovanje, mlade, nauku, kulturu i sport Bosansko-podrinjskog kantona Goražde, *r a s p i s u j e*:

JAVNI POZIV
za prijavu prijedloga projektnih aktivnosti za učešće u Programu utroška sredstava
Ministarstva za obrazovanje, mlade, nauku, kulturu i sport
Bosansko - podrinjskog kantona Goražde sa ekonomskog koda
614 300– Tekući transfer neprofitnim organizacijama - Udruženje Buđenje

I. Predmet javnog poziva

Predmet javnog poziva je dodjela novčanih sredstava za sufinansiranje projektnih aktivnosti Udruženja za pomoć i podršku porodici, djeci i mladim sa poteškoćama u razvoju „Buđenje“ u svrhu aktivnog uključenja u pitanja od interesa za život, položaj i djelovanje porodica, djece i mladih sa poteškoćama u Bosansko - podrinjskom kantonu Goražde i razvoj Bosansko - podrinjskog kantona Goražde, a što je osnovni cilj Programa utroška sredstava Ministarstva za obrazovanje, mlade, nauku, kulturu i sport Bosansko-podrinjskog kantona Goražde sa ekonomskog koda 614 300 – Tekući transfer neprofitnim organizacijama - Udruženje Buđenje (u daljem tekstu: Program).

II. Pravo prijave na javni poziv

III. Pravo prijave jednog prijedloga sa više projektnih aktivnosti ima Udruženja za pomoć i podršku porodici, djeci i mladim sa poteškoćama u razvoju „Buđenje“, a koje je osnovno, registrovano i djeluje u skladu sa zakonom na osnovu kog je registrirano.

IV. Raspoloživa sredstva

Ukupan iznos raspoloživih sredstava je 12.000,00 KM.

V. Kriteriji

Da bi predložene projektne aktivnosti bile sufinansirane moraju zadovoljiti određene Kriterije utvrđene u Programu, a isti su navedeni u nastavku ovog Javnog poziva.

Kriteriji prihvatljivosti za učešće u Programu (opći i posebni)

Prijedlozi projektnih aktivnosti se najprije razmatraju kako bi se utvrdilo odgovaraju li u potpunosti sa općim kriterijima prihvatljivosti za učešće u Programu ali i posebnim kriterijima prihvatljivosti za učešće u Programu.

Opći kriteriji

Prihvatljivi su oni prijedlozi projektnih aktivnosti koji / čiji:

- je predlagač Udruženje za pomoć i podršku porodici, djeci i mladim sa poteškoćama u razvoju „Buđenje“ te u tom smislu isti je u obavezi dostaviti Rješenje o upisu u Registar udruženja koje vodi Ministarstvo za pravosuđe, upravu i radne odnose Kantona,
- je realizacija od interesa za građane Kantona ili doprinosi razvoju i afirmaciji Kantona i provodi se na području Kantona;
- je predlagač dostavio Uvjerenje o poreskoj registraciji - identifikacioni broj;
- je predlagač dostavio Uvjerenje o izmirenim poreskim obavezama a ukoliko predlagač nema neizmirenih obaveza može dostaviti ovjerenu izjavu kod nadležnog organa da nema neizmirenih obaveza kojom to potvrđuju;
- je predlagač dostavio Uvjerenje o izmirenim porezima i doprinosima za zaposlenike (ukoliko ima zaposlenika) a ukoliko predlagač nema uposlenih može dostaviti ovjerenu izjavu kod nadležnog organa da nema uposlenih kojom to potvrđuju;
- je predlagač dostavio Program rada za tekuću godinu sa obrazloženjem;
- je predlagač dostavio Finansijski plan za tekuću godinu;
- je predlagač dostavio Izvještaj o urednom finansijskom poslovanju (bilans stanja, bilans uspjeha i narativni izvještaj za prethodnu godinu) sa izuzetkom ako je predlagač registrovan u prethodnoj godini;
- je predlagač dostavio popunjen obrazac za aplikaciju za sufinansiranje projektnih aktivnosti.

Posebni Kriteriji

- Podrška projektnim aktivnostima koji ima za cilj pomoć i podršku porodicama, djeci i mladim sa poteškoćama u razvoju u Kantonu kroz obezbjeđenje specijalizirane didaktičke opreme radi postizanje optimalnih odgojno obrazovnih ciljeva.

Kriteriji ne prihvatljivosti za učešće u Programu

Neprihvatljivi su oni prijedlozi projektnih aktivnosti koji / čiji:

- podrazumijevaju finansiranje plaća (bruto i neto lični dohodak),
- su na drugi način ostvarili finansiranje ili sufinansiranje iz Budžeta Kantona,
- administrativni troškovi prelaze 10% budžeta svih predloženih projektnih aktivnosti,
- imaju jedinu svrha korist zaposlenih u pravnom licu,
- predlagač ne ispunjava Kriteriji prihvatljivosti za učešće u Programu (opće kriterije i posebne kriterije).

VI. Odabir korisnika i dodjela sredstava

Dostavljeni prijedlog projektnih aktivnosti po javnom pozivu koji ispunjava uslove propisane ovim Programom, Ministarstvo za obrazovanje, mlade, nauku, kulturu i sport Bosansko - podrinjskog kantona Goražde će u formi prijedloga Odluke dostaviti Vladi Bosansko- podrinjskog kantona Goražde na prihvatanje i odobravanje.

VII. Obrazac prijave

Obrazac prijave je sastavni dio Javnog poziva.

VIII. Preuzimanje Javnog poziva

Javni poziv sa obrascem prijave može se preuzeti na internet stranici Ministarstva za obrazovanje, mlade, nauku, kulturu i sport Bosansko - podrinjskog kantona Goražde www.mo.bpkg.gov.ba i internet stranici Vlade Bosansko - podrinjskog kantona Goražde www.bpkg.gov.ba te u prostorijama Ministarstva za obrazovanje, mlade, nauku, kulturu i sport Bosansko - podrinjskog kantona Goražde (ulica 1. slavne višegradske brigade broj 2a Goražde, soba broj 21.)

IX. Rok za podnošenje prijava

Rok za podnošenje prijava prijedloga projektnih aktivnosti za učešće u Programu je do **23.11.2024. godine na adresu:**

Bosansko – podrinjskog kantona Goražde
Ministarstvo za obrazovanje, mlade, nauku, kulturu i sport
(Komisija za pregled i ocjenu prijedloga projektnih aktivnosti)
1. Slavne višegradske brigade 2a Goražde

Sa naznakom:

**«PRIJAVA ZA JAVNI POZIV – TEKUĆI TRANSFER NEPROFITNIM
ORGANIZACIJAMA - UDRUŽENJE BUĐENJE»**

X. Način objave

Javni poziv se objavljuje na internet stranici Ministarstva za obrazovanje, mlade, nauku, kulturu i sport Bosansko – podrinjskog kantona Goražde i Vlade Bosansko – podrinjskog kantona Goražde kao i oglasnoj ploči Kantona.

Ovlaštena lica Udruženja za pomoć i podršku porodici, djeci i mladim sa poteškoćama u razvoju „Buđenje“ za dodatne informacije u vezi sa realizacijom Javnog poziva mogu dobiti u Ministarstvu za obrazovanje, mlade, nauku, kulturu i sport Bosansko - podrinjskog kantona Goražde na telefon 038/224-259.

Ministarstvo za obrazovanje, mlade, nauku, kulturu i sport Bosansko - podrinjskog kantona Goražde zadržava pravo poništenja ovog poziva do odabira korisnika sredstava, bez obaveza pismenog ili usmenog obrazloženja kao i bez obaveza snošenja troškova za podnošenje zahtijeva po ovom pozivu.

